

**FRAMSELD REGLUGERÐ FRAMKVÆMDASTJÓRNARINNAR
(ESB) nr. 157/2014****2015/EES/16/49****frá 30. október 2013****um skilyrði fyrir því að gera yfirlýsingu um nothæfi byggingarvara tiltæka á vefsetri (*)**

FRAMKVÆMDASTJÓRN EVRÓPUSAMBANDSINS
HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (ESB) nr. 305/2011 frá 9. mars 2011 um samræmd skilyrði fyrir markaðssetningu byggingarvara og niðurfellingu á tilskipun ráðsins 89/106/EBE ⁽¹⁾, einkum 3. mgr. 7. gr., í tengslum við b-lið 60. gr. hennar,

og að teknu tilliti til eftirfarandi:

- 1) Ákvæði 1. mgr. 4. gr. í reglugerð (ESB) nr. 305/2011 skylda framleiðendur byggingarvara til að gera yfirlýsingu um nothæfi þegar byggingarvara, sem fellur undir samhæfðan staðal eða er í samræmi við evrópskt tæknimat sem gefið er út fyrir þá vöru, er sett á markað. Afrit af þeirri yfirlýsingu ætti að leggja fram annað hvort á pappír eða með rafrænum hætti.
- 2) Í samræmi við 3. mgr. 7. gr. og b-lið 60. gr. reglugerðar (EB) nr. 305/2011 er framkvæmdastjórninni falið það verkefni að setja fram þau skilyrði sem gilda um rafræna vinnslu yfirlýsinga um nothæfi til þess að hægt sé að gera þær tiltækar á vefsetri. Þau skilyrði fyrir því að gera yfirlýsingar um nothæfi tiltækar á Netinu heimila notkun nýrrar upplýsingatækni og draga úr kostnaði framleiðenda byggingarvara og byggingargeirans í heild sinni.
- 3) Með tilliti til mögulegra sérstakra þarfa viðtakanda byggingarvara, sérstaklega örfyrirtækja þeirra á meðal, og einkum þeirra sem starfa á byggingarsvæðum án Netaðgangs, ætti ekki að víkka út gildissvið þessarar framseldu gerðar þannig að hún feli í sér undanþágur frá 2. mgr. 7. gr. reglugerðar (EB) nr. 305/2011.

(*) Þessi ESB-gerð birtist í Stjtið. ESB L 52, 21.2.2014, bls. 1. Hennar var getið í ákvörðun sameiginlegu EES-nefndarinnar nr. 23/2015 frá 25. febrúar 2015 um breytingu á II. viðauka (Tæknilegar reglugerðir, staðlar, prófanir og votun) við EES-samninginn, bíður birtingar.

(¹) Stjtið. ESB L 88, 4.4.2011, bls. 5.

4) Til þess að tryggja að rafræn útgáfa yfirlýsingar um nothæfi sem samsvarar tiltekinni vöru sé auðgreinanleg ættu framleiðendur að tengja hverja vöru eða framleiðslulotu sömu vöru, sem þeir eru að setja á markað, við tiltekna yfirlýsingu um nothæfi með sérstökum auðkenningarkóða vöruflokksins, sem nefna ætti í yfirlýsingunni um nothæfi í samræmi við III. viðauka við reglugerð (ESB) nr. 305/2011.

5) Í þeim tilgangi að létta á stjórnsýslubyrði sem fylgir því að leggja fram yfirlýsingar um nothæfi og jafnframt tryggja áframhaldandi áreiðanleika þeirra upplýsinga sem veittar eru í slíkum yfirlýsingum, ætti ekki að breyta rafrænni útgáfu yfirlýsingar um nothæfi eftir að hún hefur verið gerð tiltæk á Netinu og ætti hún að halda áfram að vera aðgengileg í a.m.k. 10 ár eftir að byggingarvaran hefur verið sett á markað eða á meðan annað slíkt tímabil varir sem kann að eiga við á grundvelli annars undirliðar 2. mgr. 11. gr. reglugerðar (ESB) nr. 305/2011.

6) Vefsetrið þar sem yfirlýsingin um nothæfi er gerð tiltæk ætti að vakta og því ætti að viðhalda til að tryggja, að svo miklu leyti sem það er unnt, að því sé stöðugt haldið aðgengilegu og að það verði ekki óaðgengilegt vegna tæknilegra bilana.

7) Vefsetrið þar sem yfirlýsingin um nothæfi er gerð tiltæk ætti að vera aðgengilegt viðtakendum byggingarvarara án endurgjalds. Þeir viðtakendur ættu að fá leiðbeiningar um það hvernig fara eigi inn á vefsetrið og nálgast rafrænu útgáfuna af yfirlýsingunni um nothæfi.

8) Til að auka skilvirkni og samkeppnishæfni evrópska byggingageirans í heild sinni ættu rekstraraðilar sem veita yfirlýsingar um nothæfi og vilja nýta nýja upplýsingatækni í þeim tilgangi að auðvelda veitingu slíkra yfirlýsinga, að geta gert það eins fljótt og auðið er,

SAMÞYKKT REGLUGERÐ ÞESSA:

1. gr.

1. Rekstraraðilar geta gert yfirlýsingu um nothæfi sem getur í 1. mgr. 4. gr. reglugerðar (EB) nr. 305/2011 tiltæka á vefsetri, á grundvelli undanþágu frá 1. mgr. 7. gr. reglugerðar (EB) nr. 305/2011, að því tilskildu að þeir uppfylli öll eftirfarandi skilyrði:

- a) þeir skulu tryggja að innihaldi yfirlýsingar um nothæfi sé ekki breytt eftir að hún hefur verið gerð tiltæk á vefsetri,
- b) þeir skulu tryggja að vefsetrið þar sem yfirlýsingar um nothæfi sem gerðar eru vegna byggingarvara hafa verið gerðar tiltækar sé vakt að og að því sé viðhaldið þannig að vefsetrið og yfirlýsingarnar um nothæfi séu stöðugt tiltæk viðtakendum byggingarvara,
- c) þeir skulu tryggja að yfirlýsingin um nothæfi sé aðgengileg viðtakendum byggingarvara án endurgjalds í 10 ár eftir að

byggingarvaran hefur verið sett á markað, eða á meðan annað slíkt tímabil varir, sem kann að eiga við á grundvelli annars undirliðar 2. mgr. 11. gr. reglugerðar (EB) nr. 305/2011,

- d) þeir skulu veita viðtakendum byggingarvara leiðbeiningar um það hvernig eigi að fara inn á vefsetrið og nálgast yfirlýsingarnar um nothæfi sem gerðar eru vegna byggingarvara sem eru tiltækar á því vefsetri.

2. Framleiðendur skulu tryggja að hver vara eða framleiðslulota sem þeir eru að setja á markað sé tengd tiltekinni yfirlýsingu um nothæfi með sérstökum auðkenningarkóða vöruflokksins.

2. gr.

Reglugerð þessi öðlast gildi á þriðja degi eftir að hún birtist í *Stjórnartíðindum Evrópusambandsins*.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 30. október 2013.

Fyrir hönd framkvæmdastjórnarinnar,

José Manuel BARROSO

forseti.
